



**REPUBLIKA E SHQIPËRISË
KOMISIONERI PËR MBIKËQYRJEN E SHËRBIMIT CIVIL**

Nr. 318/2 prot.

Tiranë, më 03.07.2020

VENDIM

Nr.50, datë 03.07.2020

PËR

**PËRFUNDIMIN E PROCESIT TË VERIFIKIMIT
TË ZBATIMIT TË VENDIMIT TË KOMISIONERIT NR. 203, DATË 26.12.2019,
NË INSTITUCIONIN BASHKIA ROSKOVEC**

Në mbështetje të kompetencave ligjore të parashikuara në nenet 11, pika 1 dhe 14 të ligjit nr. 152/2013, “Për nëpunësin civil”, i ndryshuar, dhe Rregulloren, “Mbi procedurat e mbikëqyrjes/inspektimit”, miratuar me Vendimin Nr. 17, datë 11.03.2015, të Komisionerit për Mbikëqyrjen e Shërbimit Civil, pas shqyrtimit të relacionit dhe mendimit paraparak të Drejtorit të Përgjithshëm të Inspektimit dhe Mbikëqyrjes dhe Drejtorit për Çështjet Juridike dhe Marrëdhëniet me Jashtë, në lidhje me verifikimin e zbatimit të Vendimit të Komisionerit Nr. 203, datë 26.12.2019, të Komisionerit, “Mbi përfundimin e verifikimit të kryer në institucionin e qeverisjes vendore Bashkia Roskovec, të filluar me urdhrin nr. 65, datë 12.9.2019, të Komisionerit, në lidhje me evidentimin e rasteve të emërimeve në kundërshtim me ligjin në pozicione pune që janë pjesë e shërbimit civil, si dhe zbatimin e standardeve ligjore në strukturimin e shërbimit civil, në përputhje me parimet e ligjit për nëpunësin civil, në këtë bashki”,

KONSTATOVA SE:

Me urdhrin nr. 65, datë 12.9.2019, “Për fillimin e procesit të inspektimit në lidhje me rastet e emërimeve në kundërshtim me ligjin në pozicione pune që janë pjesë e shërbimit civil në njësitë e vetëqeverisjes vendore, si dhe verifikimi i zbatimit të standardeve ligjore në strukturimin e shërbimit civil, si pjesë e rëndësishme e strukturës organizative të institucionit në përputhje me parimet e ligjit për nëpunësin civil”, ka nisur kryesisht procesin e verifikimit në të gjitha njësitë e vetëqeverisjes vendore, ku u përfshi dhe Bashkia Roskovec.

Pas përfundimit të mbikëqyrjes, Komisioneri ka dërguar pranë Bashkisë Roskovec, vendimin paralajmërues për rregullimin e ligjshmërisë me nr. 203, datë 26.12.2019, duke i lënë institucionit detyra për përmirësimin e situatës, si dhe një afat prej 4 (katër) muajsh për zbatimin e tyre.

Me kalimin e afatit të lënë në Vendimin e mësipërm, Bashkia Roskovec, me shkresën nr. 2107 prot., datë 11.05.2020, “Kthim përgjigje për vendimin paralajmërues nr. 203, datë 26.12.2019”, dhe përmes komunikimit në rrugë elektronike në datën 18 qershor 2020, ka informuar Komisionerin në lidhje me veprimet administrative të ndërmarra në zbatim të detyrave të lëna në dispozitivin e vendimit paralajmërues.

Duke analizuar materialin shkresor të dërguar nga institucioni, arrij në përfundimin se, nga ana e institucionit të mbikëqyrur, Bashkia Roskovec, janë zbatuar plotësisht detyrat e lëna në vendim.

Konkretisht:

1. Institucioni ka marrë masa dhe ka rikthyer gjendjen e ligjshmërisë për 15 rastet e emërimit të punonjësve në kundërshtim me ligjin në pozicione pune që janë pjesë e shërbimit civil, si më poshtë vijon:
 - ✓ për 10 raste është konstatuar pavlefshmëria absolute e aktit, duke ndërprerë marrëdhënien e punësimit në kundërshtim me ligjin. Konkretisht për, ***** , ***** , ***** , ***** , ***** , ***** , ***** , ***** , ***** dhe *****;
 - ✓ në 1 rast, pozicioni i punës që mbante ***** në kundërshtim me ligjin rezulton se është plotësuar me anë të procedurave të konkurrimit;
 - ✓ për 4 raste, pozicionet e punës të mbajtura nga ***** , ***** , ***** dhe ***** , në strukturën e vitit 2020, nuk përfshihen në shërbimin civil.
2. Njësia përgjegjëse ka realizuar dhe po realizon në vazhdim procedurat e konkurrimit në përputhje me aktet ligjore dhe nënligjore.
3. Institucioni i mbikëqyrur, me Vendimin nr. 1088/1 prot., datë 24.2.2020, ka miratuar planin e nevojave për rekrutimin në shërbimin civil për vitin 2020.
4. Bashkia Roskovec funksionon në përputhje me strukturën e miratuar me Vendimin nr. 168 prot., datë 14.1.2020 dhe, në zbatim të orientimeve të lëna në vendimin paralajmërues, janë evituar emërtesat “Specialist” ose “Inspektor”, për pozicione pune të cilat nuk përfshihen në skemën e shërbimit civil.

PËR KËTO ARSYE:

Bazuar në nenet 11, pika 1 dhe 14 të ligjit nr. 152/2013, “Për nëpunësin civil”, i ndryshuar; ligjin nr. 44/2015 “Kodi i procedurave Administrative i Republikës së Shqipërisë”

dhe Rregulloren, “Mbi procedurat e mbikëqyrjes/inspektimit”, miratuar me Vendimin Nr.17, datë 11.03.2015, të Komisionerit për Mbikëqyrjen e Shërbimit Civil,

VENDOSA:

1. Përfundimin e procesit të verifikimit të zbatimit të Vendimit Nr. 203, datë 26.12.2019, të Komisionerit, “Mbi përfundimin e verifikimit të kryer në institucionin e qeverisjes vendore Bashkia Roskovec, të filluar me urdhrin nr. 65, datë 12.9.2019, të Komisionerit, në lidhje me evidentimin e rasteve të emërimeve në kundërshtim me ligjin në pozicione pune që janë pjesë e shërbimit civil, si dhe zbatimin e standardeve ligjore në strukturimin e shërbimit civil, në përputhje me parimet e ligjit për nëpunësin civil, në këtë bashki”.
2. Konstatimin e rregullimit të ligjshmërisë nga ana e institucionit Bashkia Roskovec.
3. Për këtë vendim të njoftohet institucioni Bashkia Roskovec.

Ky vendim hyn në fuqi menjëherë.

KOMISIONERI

Pranvera Strakosha